



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Conciliorvm Omnivm Generalivm Et Provincialivm Collectio Regia**

Ab anno DLXXVII. ad annum DXC.

**Parisiis, 1644**

Epistola XXVIII. Gregorii Papae I. Ad Marinianvm Episcopvm Ravennae. Ne monasterium a decessore constitutum praegrauetur, & de importunitate clericorum.

**urn:nbn:de:hbz:466:1-15221**

ne, quod absit, hic honor, & illis pœna, & vobis incipiat esse peccatum.

## EPISTOLA XXVIII.

## GREGORII PAPÆ I.

AD MARINIANVM EPISCOPVM RAVENNÆ.

Ne monasterium a decessore constitutum prægrauetur,  
& de importunitate clericorum.

*Gregorius Mariniano episcopo Ravennæ.*

**M**IRAMVR cur sic in breui fraternitatis tuæ fuerit im-  
mutata discretio, vt ea quæ postulat non aduertat;  
ex qua re dolemus, quia manifestum præbes indicium plus  
apud te verba male suadentium valuisse, quam diuinæ le-  
ctionis studium profecisse. Cumque ergo monasteria te  
oporteat defensare, & religiosos illic summopere congre-  
gare, vt lucrum de animarum congregatione possis effice-  
re, in eorum te e diuerso, grauamina, sicut literæ tuæ testā-  
tur, desideras exercere: &, quod est deterius, nos tuæ cul-  
pæ studes fieri debere participes, scilicet, dum cum nostro  
consensu monasterium, quod decessor tuus condidit, cu-  
pis sub cura quarumdam rerum atque causarum nomine  
prægrauare. Debes enim recolere, quia te præsentem, di-  
uersis etiam presbyteris & diaconis clericisque tuis præ-  
sentibus, contra testamentum ipsius præceptum sicut po-  
stulauere concessimus. Vbi tamen eiusdem decessoris tui  
dispositio, quam fecerat de monasterio ipso, firmata est, tu  
nunc ista dissimulās contraria nos poscis debere præcipe-  
re. Et hæc quidē scimus non tua sunt, sed dum incongrua  
dicentes audire non renuis, non solum opinionem tuam,  
sed grauas & animas. Quia ergo te multum diligo, instan-  
ter admoneo, quod sic recte consideres, vt non plus pecu-  
niæ quam animabus studeas. Illud a latere respiciendū est,  
ad hoc autem tota mentis intentione laborandū, ac vehe-  
mentius intuendū. Huic rei operam & sollicitudinem vigi-  
lanter impende, quia Redemptor noster a sacerdotis offi-  
cio non quærit aurum, sed animas. Præterea peruenit ad  
nos, quia monasteria, quæ sub fraternitate tua sunt consti-  
tuta, clericorum importunitatibus & diuersis eorum mo-  
lestiis prægrauētur: quod ne de cetero fiat, districta hoc in-

terminatione compeſce; quatenus monachis illic degentibus, libere in Dei noſtri laudibus liceat exultare. Romanum vero atque Dominicum clericos, qui de hac vrbe auſu temerario ſine noſtra præſumpſerunt benedictione difcedere, licet maiori fuerant vltione plectendi, tamen relaxari eis benignitatis ſtudio debet, vt ad ſuum remeare officium vrgeantur.

*Supraſcripto menſe Aprili, indiſtione decimaquarta.*

EPISTOLA XXIX.  
GREGORII PAPÆ I.  
AD SECVNDINVM.

De pace Agilulphi, & Mariniano epiſcopo increpando, quod eleemoſynam pauperibus non daret, ſine qua vacuum eſt epiſcopi nomen.

*Gregorius Secundino ſeruo Dei non a paribus.*

**P**OSTQVAM reuertens Caſtorius omnia nobis quæ inter vos & Agilulphum regem acta ſunt indicauit, ne excuſationem contra nos de mora potuiſſet aliquis inuenire, ſub omni eum celeritate illuc transmittendum præuidimus. Ab eo ergo quæ ſunt agenda cognoscens, eſto ſolicitus, & omnimodo immine, vt pax iſta debeat ordinari; quia, quantum dicitur, aliqui hoc impedire conantur. Pro qua re feſtina ſolicite agere, vt labor veſter ſine effectu non valeat remanere. Nam iam & partes iſtæ, & diuerſæ inſulæ in graui ſunt periculo poſitæ. Fratrem noſtrum Marinianum epiſcopum verbis quibus vales excita, quia obdormiſſe eum ſuſpikor. Nam venerunt quidam ad me, in quibus erant ſenes mendicantes, qui a me diſcuſſi ſunt, a quibus quid acceperint, & per ſingula retulerunt quanta eis & a quibus in itinere data ſint. Quos dum ſolicite de prædicto fratre requirerẽ quid eis dediſſet, reſponderunt ſe eum rogaffe, ſed ab eo ſe omnino nihil accepiffe, ita vt neque panem in via acceperint, cum dare omnibus illi eccleſiæ ſemper familiare fuit. Dixerunt enim: Reſpondit nobis, dicens: Non habeo quod vobis dare poſſim. Et miror ſi iſqui veſtes habet, argentum habet, cellaria habet, quod pauperibus debeat dare non habet. Dic ergo ei, vt